



列傳

韓偓字致光京兆萬年人擢進士第佐河中幕府召拜左拾遺以疾解後累遷左諫議大夫宰相崔胤判度支表以自副王溥薦爲翰林學士遷中書舍人偓嘗與胤定策誅劉季述昭宗反正爲功臣帝疾宦人驕橫欲盡去之偓曰陛下誅季述時餘皆赦不問今又誅之誰不懼死舍垢隱忍須後可也天子威柄今散在方面若上下同心攝領權綱猶冀天下可治宦人忠厚可任者假以恩倖使自剪其黨茂有不濟今食度支者乃八千人韓內翰列傳

公私牽屬不減二萬雖誅六七巨魁未見有益適固其逆心耳帝前膝曰此一事終始屬卿中書舍人令狐渙任機巧帝嘗欲以當國俄又悔曰渙作宰相或誤國朕當先用卿辭曰渙再世宰相練故事陛下業已許之若許渙可改許臣獨不可移乎帝曰我未嘗面命亦何憚偓因薦御史大夫趙崇勁正雅重可以準繩中外帝知偓崇門生也歎其能讓初李繼昭等以功皆進同中書門下平章事時謂三使相後稍稍更附韓全誨周敬容皆忌胤胤聞召鳳翔李茂貞入朝使留族子繼筠宿衛



倥開以爲不可胤不納倥又語令狐渙渙曰吾屬不惜  
宰相耶無衛軍則爲闕豎所圖矣倥曰不然無兵則家  
與國安有兵則家與國不可保胤聞憂未知所出李彥  
弼見帝倥甚帝不平倥請逐之赦其黨許自新則狂謀  
自破帝不用彥弼潛倥及渙漏禁省語不可與圖政帝  
怒曰卿有官屬日夕議事奈何不欲我見學士邪繼昭  
等飲殿中自如帝怒倥曰三使相有功不如厚與金帛  
官爵毋使豫政事今宰相不得顛決事繼昭輩所奏必  
聽它日遽改則人人生怨初以衛兵檢中人今敕使衛  
韓內翰列傳

二

兵爲一臣竊寒心願詔茂貞還其衛軍不然兩鎮兵闕  
闕下朝廷危矣及胤召朱全忠討全誨汴兵將至倥勸  
胤督茂貞還衛卒又勸表暴內臣罪因誅全誨等若茂  
貞不如詔卽許全忠入朝未及用而全誨等已劫帝西  
幸倥夜追及鄆見帝慟哭至鳳翔遷兵部侍郎進承旨  
宰相韋貽範母喪詔還位倥當草制上言貽範處喪未  
數月遽使視事傷孝子心今中書事一相可辨陛下誠  
惜貽範才俟變縗而召可也何必使出峩冠廟堂入泣  
血柩側毀瘠則廢務勤恪則忘哀此非人情可處也學

士使馬從皓逼倭求草倭曰腕可斷麻不可草從皓曰君求死耶倭曰吾職內署可默默乎明日百官至而麻不出宦侍合譟茂貞入見帝曰命宰相而學士不草麻非反邪艷然出姚洎聞曰使我當直亦繼以死旣而帝畏茂貞卒詔貽範還相洎代草麻自是宦黨怒倭甚從皓讓倭曰南司輕北司甚君乃崔胤王溥所薦今日北司雖殺之可也兩軍樞密以君周歲無奉入吾等議救接君知之乎倭不敢對茂貞疑帝間出依全忠以兵衛行在帝行武德殿前因至尚食局會學士獨在官人招韓內翰列傳

三

倭至再拜哭曰崔胤甚健全忠軍必濟帝喜倭曰願陛下還宮無爲人知帝賜以麵豆而去全誨誅官人多坐死帝欲盡去餘黨倭曰禮人臣無將將必誅官婢負恩不可赦然不三十年不能成人盡誅則傷仁願去尤者自內安外以靜群心帝曰善崔胤請以輝王爲元帥帝問倭他日累吾兒否倭曰陛下在東內時天陰雩王聞鳥聲曰上與后幽困鳥雀聲亦悲陛下聞之惻然有是帝曰然是見天生忠孝與人異意遂決倭議附胤類如此帝反正勵精政事倭處可機密率與帝意合欲



相者三四讓不敢當蘇檢復引同輔政遂固辭初僱侍  
宴與京兆鄭元規威遠使陳班並席辭曰學士不與外  
班接主席者固請乃坐旣元規班至終絕席全忠胤臨  
陛宣事坐者皆去席僱不動曰侍宴無輒立二公將以  
我爲知禮全忠怒僱薄已倖然出有譖僱喜侵侮有位  
胤亦與僱貳會逐王溥陸扆帝以王贊趙崇爲相胤執  
贊崇非宰相器帝不得已而罷贊崇皆僱所薦爲相者  
全忠見帝斥僱罪帝數顧胤胤不爲解全忠至中書欲  
召僱殺之鄭元規曰僱位侍郎學士承旨公無遽全忠  
韓內翰列傳

四

乃止貶濮州司馬帝執其手流涕曰我左右無人矣再  
貶榮懿尉徙鄧州司馬天祐二年復召爲學士還故官  
僱不敢入朝挈其族南依王審知而卒兄儀字羽光亦  
以翰林學士爲御史中丞僱貶之明年帝宴文思毬塲  
全忠入百官坐廡下全忠怒貶儀棣州司馬侍御史歸  
謁登州司戶參軍

贊曰懿僖以來王道日失厥序腐尹塞朝賢人遁逃四  
方豪英各附所合而奮天子塊然所與者惟佞懷庸奴  
乃欲鄣橫流支已顛寧不殆哉觀蔡朴輩不次而用押

豚臚拒羆牙趣亾而已一韓偓不能容況賢者乎

韓內翰列傳

五



韓內翰別集目錄

雨後月中玉堂閑坐●六月十七日召對自展及  
申方歸本院●與吳子華侍郎同年玉堂同直懷  
恩叙懇因成長句四韻兼呈諸同年●和吳子華  
侍郎令狐昭化舍人歎白菊衰謝之絕次用本韻  
●中秋禁直●侍宴●官柳●辛酉歲冬十一月  
隨駕幸岐下作●苑中●錫宴日作●從獵三首  
●冬至夜作●秋霖夜憶家●恩賜櫻桃分寄朝  
士●出官經硤石縣●訪同年虞部李郎中●贈

汲古閣

一

漁者●春陰獨酌寄同年虞部李郎中●奉和峽  
州孫舍人肇荆南重圍中寄諸朝士二篇時李常  
侍洵嚴諫議龜李起居殷衡李郎中冉皆有繼和  
余久有是債今至湖南方暇牽課●雪中過重湖  
信筆偶題●寄湖南從事●翫水禽●早翫雪梅  
有懷親屬●欲明●梅花●小隱●曛黑●曉日  
●醉著●柳●病中初聞復官二首●早起五言  
三韻●家書後批二十八字●湖南梅花一冬再  
發偶題於花棧●卽目●靜興寺杜鵑一枝絲艷

錢尊師同醉因成二十字●避地

●息兵●翠碧島●贈孫仁本尊師●乙丑歲九月在蕭灘鎮駐泊兩月忽得商馬楊迢員外書賀余復除戎曹依舊承旨還緘後因批四十字●丙寅二月二十二日撫州如歸館雨中有懷諸朝客●三月二十七日自撫州往南城縣舟行見拂水薔薇因有是作●荔枝三首●寄上兄長●寶劍●登南神光寺塔院●兩賢●再思●有矚●秋深閑興●故都●夢仙●贈吳顛尊師●送人棄

韓內翰別集目錄

一

官入道●感事

十

●向隅●社後●息慮

●早起探春

道

●衰娜●秋郊閑望有感

李太舍池上觀

題

●余寓汀州沙縣病中

聞前鄭左丞

鎮舉薦赴洛兼云繼有急徵

旋見脂轄

四韻戲以贈之或異其感悟

也●又一絕請

達京洛親交知余病廢●夢

中作●已巳年

月十二日自沙縣抵邵武軍將

謀撫信之行到

一夕爲閩相急脚相召卻請赴

沙縣郊外泊船

成一篇●建溪灘波心目驚眩



余平生溺竒境今則畏怯不暇因書二十八字●  
自沙縣抵龍溪縣值泉州軍過後村落皆空因有  
一絕●此翁●多情●失鶴●卜隱●晨興●暴  
雨●山院避暑●閑興●漫作二首●騰騰●寄  
隱者●閑居●僧影●洞庭翫月●贈隱逸●南  
浦●桃林場客舍之前有池半畝木槿櫛比闕水  
遮山因命僕夫運斤梳沐豁然清朗復視太虚因  
作五言八韻●中秋寄楊學士●寄禪師●清興  
●深院●淒淒●火蛾●信筆●雷公●船頭●

韓內翰別集目錄

三

喜涼●天鑒●江岸閑步●野塘●閨怨●余卧  
疾深邨聞一二郎官今稱繼使聞越笑余迂古潛  
於異鄉聞之因成此篇●安貧●殘春旅舍●鵲  
●露●贈僧●感舊●卽目●八月六日作四首  
●驛步●訪隱者遇沈醉書其門而歸●疎雨●  
南安寓止●夜閨●十月七日早起作詩氣疾初  
愈●有感●觀鬪鷄偶作●蜻蜓●卽目●寄隣  
莊道侶●初赴期集●惜花●半醉●春盡●睡  
起●寄友人●見別離者因贈之●傷亂●南亭

●太平谷中觀水上花●雨●幽獨●江行●漢  
江行次●偶題●湖南絕少含桃偶有人以新摘  
者見惠感事傷懷因成四韻●隰州新驛●亂後  
春日途經野塘●贈易卜崔江處士●過臨淮故  
里●贈湖南李思齊處士●亂後却至近甸有感  
●同年前虞部李郎中自長沙赴行在余以紫石  
硯贈之賦詩代書●甲子歲夏五月自長沙抵醴  
陵貴就深僻以便疎懷由道林之南步步勝絕去  
綠口分東入南小江山水益秀村籬之次忽見紫

韓內翰別集目錄

四

薇花因思玉堂及西掖廳前皆植是花遂賦詩四  
韻聊寄知心●和王舍人撫州飲席贈韋司空●  
避地寒食●山驛●早發藍關●深村●重遊曲  
江●三月●秋村●殘花●夜船●傷春●歸紫  
閣下●夜坐●午寢夢江外兄弟●曲江夜思●  
過漢口●惜春●及第過堂日作●夏課成感懷  
●離家第二日却寄諸兄弟●遊江南水陸院●  
江南送別●格甲●冬日●再止廟居●老將●  
邊上看獵贈元戎●余自刑部員外郎爲特權所



擠值盤石出鎮藩屏朝選賓佐以余充職掌記鬱  
鬱不樂因成長句寄所知●北齊二首●寄京城  
親友二首●野寺●吳郡懷古●守愚●村居●  
離家●秋雨內宴●寒食日沙縣雨中看薔薇●  
地爐●隰州新驛贈刺史●草書屏風●永明禪  
師房●登樓有題●退朝書懷●元夜卽席●大  
慶堂賜宴元璫而有詩呈吳越王●又和●再和  
●重和●御製春遊長句●余作探使以繚綾手  
帛子寄賀因而有詩●別錦兒●閑步●乾寧三

韓內翰別集目錄

五

年丙辰在奉天重圍作●雨中●與僧●晚岸●  
仙山●過茂陵●曲江秋日●流年●商山道中  
●詠燈●招隱●雨村●使風●阻風●并州●  
夏夜●闌干●以庭前海棠梨花一枝寄李十九  
員外●驛樓●頻訪盧秀才●春恨●答友人見  
寄酒●野釣●曲江晚思●贈友人●半睡●已  
涼

補遺目錄

寄禪師●日高●夕陽●舊館●中春憶贈

韓內翰別集

白雲齋藏書

汲古閣毛晉  
據宋本考較

翰林學士承旨行尚書戶部侍郎知制誥上柱國萬年韓偓

入內庭後詩

天復元年辛酉五月後

雨後月中玉堂閑坐

樂而  
和命  
廣立

銀臺直北金鑾外暑雨初晴皓月中唯對松篁聽刻漏  
更無塵土翳虛空綠香慰齒冰盤果清冷侵肌水殿風  
夜久忽聞鈴索動玉堂西畔響丁東

禁署嚴密非院人雖有公事不敢

遽入至於內夫人宣事亦先引鈴券有文書即內臣立於門外鈴聲動則院判官當受說授院使院使授學士

六月十七日召對自辰及申方歸本院

汲古閣

清暑簾開散異香恩深咫尺對龍章花應洞裏尋常

一作當時

發日向壺中特地長坐久忽疑一作驚查犯斗歸來兼恐海

生桑如今冷笑東方朔唯用詼諧侍漢皇

與吳子華侍郎同年玉堂同直懷恩叙懇因成長

句四韻兼呈諸同年

往年鶯谷接清塵今日鼇山作侍臣二紀計偕一作諧勞筆

碗今與子華俱用名場

一朝宣入掌絲綸聲名烜赫文章士金紫

雍容富貴身絳帳恩深無路報語餘相顧却酸辛

和吳子華侍郎令狐昭化舍人歎白菊衰謝之絕



次用本韻

正憐香雪披千片，忽訝殘霞覆一叢。  
此花將謝都有紅色  
還似妖姬長年後，酒酣雙臉却微紅。

中秋禁直

星斗踈明禁漏殘，紫泥封後獨凭欄。  
露和玉屑金盤冷，月射珠光貝闕寒。  
天視樓臺籠苑外，風吹歌管下雲端。  
長卿祗爲長門賦，未識君臣際會難。

侍宴

蜂黃蝶粉兩依依，狎宴臨春日正遲。  
密旨不教江令醉，韓內翰別集

二

麗華微笑認皇慈

宮柳

莫道秋來芳意違，官娃猶似妬蛾眉。  
幸當玉輦經過處，不怕金風浩蕩時。  
草色長承垂地葉，日華先動映樓枝。  
澗松亦有凌雲分，爭似移根太液池。

辛酉歲冬十一月隨駕幸岐下作

是年爲昭宗天復元年韓全誨

初帝幸鳳翔

曳裾談笑殿西頭，忽聽征鐙從冕旒。  
蓋行時移紫氣鬱，旗駐處認皇州。  
曉題御服頒群吏，夜發宮嬪詔列侯。

雨露涵濡三百載不知誰擬殺身酬

苑中一本在宮柳後

上苑離宮處處迷相風高與露盤齊金堦鑄出狻猊立

玉柱雕成狝秣啼外使調鷹初得拔

五方外按使以鷹隼初調習始能擒

獲謂之得拔

中官過馬不教嘶

上每乘馬必關官馭以進謂之過馬馭乘之而後騾驢嘶鳴

笙歌錦繡雲霄裏獨許詞臣醉似泥

錫宴日作

是歲大稔內出金幣賜百官充觀稼宴學士院別賜越錢百匹委京兆府勾當

後宰相一日宴於興花亭

一本在中秋禁直後

玉銜花馬踏香街詔遣追歡綺席開中使押從天上去

韓內翰別集

三

是日在外學士排門齊入同進狀辭赴宴所奉宣差學士院使二人押去

外人知自日邊

來臣心淨比漪漣水聖澤深於激灑盃纔有異恩頒稷

契已將優禮及鄒枚清商適向梨園降妙妓新行峽雨

迴不敢通宵離禁直晚乘殘醉入銀臺

當直學士二人至晚學士院使

二人却押入直餘四人在外可以下夜內臣去外知熟間丞郎給食多乘奏宴余是日當直故有是句

從獵三首

獵犬諳斜路宮嬪識認旗馬前雙兔走宣示羽林兒

走

小鐙狹鞞鞞鞍輕妓細腰有時齊走馬也學唱交交

蹀躞巴酣駿毯毳碧野鷄忽聞仙樂動賜酒玉偏提



冬至夜作

天復三年壬戌隨駕在鳳翔府

中宵忽見動葭灰料得南枝有早梅  
四野便應枯草綠九重先覺凍雲開  
陰冰莫向河源塞陽氣今從地底迴  
不道憐舒無定分却憂蚊響又成雷

是年爲翰林學士承旨江軍圍鳳翔

秋霖夜憶家

隨駕在鳳翔府

垂老何時見弟兄背燈愁泣到天明  
不知短髮能多少一滴秋霖白一莖

恩賜櫻桃分寄朝士

在岐下

未許鶯偷出漢宮上林初進半金籠  
蔗漿自透銀盃冷韓內翰別集

四

朱實相輝玉椀紅俱有亂離終日恨  
貴將滋味片時同霜威食藥應難近  
宜在紗窗繡戶中

出官經硤石縣

天復三年二月二十一日

謫宦過東畿所抵州名濮

是月十一日貶濮州司馬

故里欲清明臨

風堪慟哭溪長柳似帷山暖花如醖  
逆旅訝簪裾

南路以又

無情脈脈過眉聚

悲喜

野老悲陵谷暝鳥影連翩驚狐尾  
轟欵尚

得佐方州信是皇恩沐

訪同年虞部李郎中

天復四年二月在湖南

策蹇相尋犯雪泥厨烟未動日平西  
門庭野水襜褕鷺

鄰里短牆呶啞鷄未入慶霄君擇肉畏逢華轂我吹壘  
地爐貰酒成狂醉更覺襟懷得喪齊

贈漁者

在湖南

箇儂居處近誅茅枳棘籬兼用荻梢盡日風扉從自掩  
無人箇釣是誰拋城方四面墻陰直江濶中心水脉均  
我亦好閒求老伴莫嫌遷客且論交

春陰獨酌寄同年虞部李郎中

在湖南

春陰漠漠土脉潤春寒微微風意和閑吟入甲奔競態  
醉唱落調漁樵歌詩道揣量疑可進宦情剗缺轉無多  
韓內翰別集

五

酒酣狂興依然在其奈千莖鬢雪何

奉和峽州孫舍人肇荆南重圍中寄諸朝士二篇  
時李常侍洵嚴諫議龜李起居殷衡李郎中冉皆  
有繼和余又有是債今至湖南方暇牽課

敏手何妨誤汰金敢懷私忿數羊斟直應宣室還三接  
未必豐城便陸沉熾炭一鑪真玉性濃霜千澗老松心  
私恩尚有捐軀誓況是君恩萬倍深

征途安敢更遷延冒入重圍勢使然衆果却應存苦李  
五瓶惟恐竭甘泉多端莫撼三珠樹密策尋遺七寶鞭



黃篋舫中梅雨裏野人無事日高眠

雪中過重湖信筆偶題

道方時險擬如何謫去甘心隱薜蘿  
青草湖將天暗合  
白頭浪與雪相和旗亭臘酌踰年熟  
水國春寒向晚多  
處困不忙仍不怨醉來唯是欲傞傞

寄湖南從事

索寞襟懷酒半醒無人一爲解餘醒  
岬頭柳色春將盡  
船背雨聲天欲明去國正悲同旅雁  
隔江何忍更啼鶯  
蓮花幕下風流客試與溫存謹逐情

韓內翰別集

六

翫水禽

在湖南醴陵縣作

兩兩珍禽渺渺溪翠襟紅掌淨無泥  
向陽眠處莎成毯  
踏水飛時浪作梯  
依倚雕梁輕社鷺  
抑揚金距笑晨鷄  
勸君細認漁翁意  
莫遣緦羅誤穩棲

早翫雪梅有懷親屬

北陸候纔變南枝花已開  
無人同悵望把酒獨徘徊  
凍雪白雪爲伴寒香風是媒  
何因逢越使腸斷謫仙才

欲明

在醴陵

欲明籬被風吹倒過午門因客到  
開忍苦可能遭鬼笑

息機應免致鷗猜岳僧互乞新詩去酒保頻徵舊債來  
唯有狂吟與沉飲時時猶自觸靈臺

梅花

梅花不肯傍春光自向深冬有豔陽龍笛遠吹胡地月  
燕釵初試漢宮粧風雖強暴翻添思雪欲侵凌更助香  
應笑暫時桃李樹盜天和氣作年芳

小隱

借得茅齋岳麓西擬將身世老鋤犁清晨向市烟舍郭  
寒夜歸邨月照溪爐爲窗明僧偶坐松因雪折鳥驚啼  
韓內翰別集

七

靈椿朝菌由來事却笑莊生始欲齊

曛黑

古木侵天日已沉露華涼冷潤衣襟江城曛黑人行絕  
唯有啼鳥伴夜砧

曉日

天際霞光入水中水中天際一時紅直須日觀三更後

首送金烏上碧空

日觀峰夜見日

醉著

萬里清江萬里天一邨桑柘一邨烟漁翁醉著無人喚



過午醒來雪滿船

柳

一籠金線拂彎橋幾被兒童損細腰無奈靈和標格在  
春來依舊裏長條

病中初聞復官二首

抽毫連夜待明光執鞅三年從省方燒玉謾勞曾歷試  
鑠金寧爲欠周防也知恩澤招護口還痛神祇誤直腸  
聞道復官翻涕泗屬車何在水茫茫

又掛朝衣一自驚始知天意重推誠青雲有路通還去  
韓內翰別集

八

白髮無私健亦生曾避暖池將浴鳳却同寒谷乍遷鶯  
宦途巖嶮終難測穩泊漁舟隱姓名

早起五言三韻

萬樹綠楊垂千般黃鳥語庭花風雨餘岑寂如村塢依  
依官渡頭晴陽照行旅

家書後批二十八字

在醴陵時聞家在益州

四序風光總是愁鬢毛衰颯涕還一作流此書未到心先

到想一作見孤城海岬頭

湖南梅花一冬再發偶題於花檍

湘浦梅花兩度開直應天意別栽培玉爲通體依稀見  
香號返魂容易迴寒氣與君霜裏退陽和爲爾臘前來  
妖桃莫倚東風勢調鼎何曾用不材

卽目

萬古離懷憎物色幾生愁緒溺風光廢城沃土肥春草  
野渡空船蕩夕陽倚道向人多脉脉爲情因酒易佺佺  
宦途棄擲須甘分迴避紅塵是所長

淨興寺杜鵑一枝絲艷無比

一園紅豔醉坡陀自地連梢簇舊一作荷羅蜀魄未歸長滴

韓內翰別集

九

血祗應偏滴此叢多

花時與錢尊師同醉因成二十字

橋下淺深水竹間紅白花酒仙同避世何用厭長沙

避地

西山爽氣生襟袖南浦離愁入夢魂人泊孤舟青草岍  
鳥鳴高樹夕陽邨偷生亦似符天意未死深疑負國恩  
白面兒郎猶巧宦不知誰與正乾坤

息兵

漸覺人心望息兵老儒希覲見澄清正當困辱殊輕死



已過艱危却戀生多難始應彰勁節至公安肯爲虛名  
暫時胯下何須耻自有蒼蒼鑒赤誠

翠碧鳥

以上並在醴陵作

天長水遠網羅稀保得重重翠碧衣挾彈小兒多害物

勸君莫近市朝

一作五陵飛

贈孫仁本尊師

在袁州

齒如氷雪髮如鬢幾百年來醉似泥不共世人爭得失  
臥牀前有上天梯

乙丑歲九月在蕭灘鎮駐泊兩月忽得商馬楊迢

韓內翰別集

員外書賀余復除戎曹依舊承旨還緘後因批四

十字

旅遇在江郊秋風正寂寥紫泥虛寵獎白髮已漁樵事  
往淒涼在時危志氣銷若爲將朽質猶擬杖於朝

是舉爲昭

宣帝天祐二年初復僖晉

丙寅二月二十二日撫州如歸館雨中有懷諸朝

客

悽悽惻惻又微嘖欲話羈愁憶故人薄酒旋醒寒徹夜  
好花虛謝雨藏春萍蓬已恨爲逋客江嶺那知見侍臣

未必交情繫貧富柴門自古少車塵

三月二十七日自撫州往南城縣舟行見拂水薔  
薇因有是作

江中春雨波浪肥石上野花枝葉瘦枝低波高如有情  
浪去枝留如力鬪綠刺紅房戰裏時吳娃越艷醺酣後  
且將濁酒伴清吟酒逸吟狂輕宇宙

荔枝三首

西黃年秋到福州自此後並福州作

遐方不許貢珍奇密詔唯教進荔枝漢武碧桃爭比得  
枉令方朔號偷兒

韓內翰別集

一一

封開玉籠鷄冠濕一作葉襯金盤鶴頂鮮想得佳人微啟

齒翠釵先取一雙一作懸

巧裁霞片裊神漿唾蜜天然有異香應是仙人金掌露

結成冰入舊一作羅裳一作囊

寄上兄長

兩地支離路八千襟懷悽愴髯蒼然亂來未必長團會  
其奈而今更長年

寶劍

困極還應有甚通難將糞壤一作掩神蹤斗間紫氣分明



後孽地成川看化龍

一作不是堤  
津亦化龍

登南神光寺塔院

無奈離腸日九迴強攄離抱立高臺中華地向城邊盡  
外國雲從島上來四序有花長見雨一冬無雪却聞雷  
日宮紫氣生冠冕試望扶桑病眼開

兩賢

賣卜嚴將賣餅孫兩賢高趣恐難倫而今若有逃名者  
應被品流呼差人

再思

韓中翰別集

十一

暴雨猶來是片時無人向此略遲疑流金鑠石玉長澗  
敗凋花松不知但保行藏天是證莫矜纖巧鬼難欺  
近來更得窮經力好事臨行亦再思

三 矚

晚涼閑步向江亭默默看書旋旋行風轉滯帆狂得勢  
潮來諸水寂無聲誰將覆轍詢長策願把琴絲屬老成  
安石本懷經濟意何妨一起爲蒼生

秋深閑興

此心兼笑野雲忙甘得貧閑味甚長病起乍嘗新橘柚

秋深初換熱衣裳晴來喜鵲無窮語雨後寒花特地香  
把釣覆棋兼舉白不離名教可顛狂

故都

故都遙想草萋萋上帝深疑亦自迷塞雁已侵池籞宿  
官鴉猶戀女墻啼天涯烈士空垂涕地下強魂必噬臍  
掩鼻計成終不覺馮驩無路數鳴雞

夢仙

紫霄宮闕五雲芝九級壇前再拜時鶴舞鹿眠春草遠  
山高水濶夕陽遲每嗟阮肇歸何速深羨張騫去不疑  
韓內翰別集

十三

澡練純陽功力在此心唯有玉皇知

贈吳顛尊師

丙寅年作

飲酒經何代休糧度此生跡應常自浼顛亦強爲名道  
若干鈞重身如一羽輕毫釐分象緯袒跣揖公卿狗竇  
號光逸漁陽裸禰衡笑雷冬蟄震巖電夜珠明月滑侵  
簪冷江光逼屐清半酣思救世一手擬扶傾擊地嗟衰  
俗看天貯不平自緣懷氣義可是計烹亨議論通三教  
年顏稱五更老狂人不厭密行鬼應驚未識心相許開  
襟語便誠伊余常伏義願拜十年兄



送人棄官入道

仙李濃陰潤皇枝密葉敷俊才輕折桂捷徑取紆朱斷  
繼三清路揚鞭五達衢側身期破的縮手待呼盧社稷  
俄如綴雄豪詎守株忸怩非壯志擺脫是良圖塵土留  
難住纓綉棄若無冥心歸大道回首笑吾徒酒律應難  
忘詩魔未肯徂他年如拔宅爲我指清都

感事三十四韻

丁卯已後

丁卯爲宋溫元年

紫殿承恩歲金鑿入直年人歸三島路日過八花塲  
鸞皆迴席阜夔亦慕羶慶霄舒羽翼塵世有神仙雖遇  
韓內翰別集

十四

河清聖慙非岳降賢皇慈容散拙公議逼陶甄江總參  
文會陳暄侍狎筵腐儒親帝座太史認星躔側弁聆神  
算濡毫俟密宣官司持玉硯書省擘香牋

官司書省黃受職名唯

理心無黨憐才膝屢前焦勞皆實錄宵旰豈虛傳始議  
新堯曆將期整舜絃

上自崇內幽歷勵心庶政延接丞相之暇日在直學士詢以理道

將致昇平

去梯言必盡及席意彌堅上相思懲惡中人詎省

憇鹿窮唯舐觸兔急且獼猿

獼乃延切兔是也猿藉切

本是謀賒死

因之致劫遷氛霾言下合日月暗中懸恭顯誠甘罪韋  
平亦恃權畏聞巢幕險寤積薪爇諒直尋鉗口奸織

益比肩晉讒終不解魯瘖意難痊祗擬誅黃皓何曾識  
霸先嗾葵翻醜正養虎欲求全萬乘烟塵裏千官劍戟  
邊斗魁當北拆地軸向西偏表董非徒爾師昭豈偶然  
中原成劫火東海遂桑田澱血慚稽紹運行笑褚淵四  
夷同效順一命敢虛捐山岳還青聳穹蒼舊碧鮮獨夫  
長啜泣多士已忘筌鬱鬱空狂叫微微幾病癲丹梯倚  
寥廓終去問青天

向隅

守道得途遲中兼過亂離剛腸成繞指玄髮轉垂絲客  
韓內翰別集

十五

路少安處病牀無穩時弟兄消息絕獨歛向隅眉

社後

社後重陽近雲天淡泊間目隨棊客靜心共睡僧閒歸  
鳥城銜日殘虹雨在山寂寥思晤語何夕款柴關

息慮

息慮狎群鷗行藏合自由春寒宜酒病夜雨入鄉愁道  
向危時見官因亂世休外人相待淺獨說濟川舟

早起探春

勾芒一夜長精神臘後風頭已見春烟柳半眠藏利臉



雪梅含笑綻香脣漸因閑暇思量酒必怨顛狂泥摸人  
若箇高情能似我且應欹枕睡清晨

味道

如舍瓦礫竟何功癡點相兼似得中心繫是非徒悵望  
事須光景旋虛空昇沉不定都如夢毀譽無恒却要聾  
弋者甚多應扼腕任他閑處指冥鴻

哀娜

哀娜腰肢淡薄粧六朝宮樣窄衣裳著詞暫見櫻桃破  
飛酸微聞豆蔻香春惱情懷身覺瘦酒添顏色粉生光  
韓內翰別集

十六

此心不敢分明道風月應知暗斷腸

秋郊閑望有感

楓葉微紅近有霜碧雲秋色滿吳鄉魚衝駭浪雪鱗健  
鴉閃夕陽金背光心爲感知長慘悵鬢緣經亂早蒼浪  
可憐廣武山前語楚漢虛教作戰場

李太舍池上翫紅薇醉題

花低池小水浮萍花落池心片片輕醅酹不能羞白鬢  
顛狂猶自睜紅英乍爲旅客顏常厚每見同人眼暫明  
京洛林園歸未得天涯相顧一含情

余寓汀州沙縣病中聞前鄭左丞璘隨外鎮舉薦  
赴洛兼云繼有急徵旋見脂轄因作七言四韻戲

以贈之或冀其感悟也

巳巳年

莫恨當年入用遲  
通材何處不逢知  
桑田變後新舟楫  
華表歸來舊路岐  
公幹寂寥甘坐廢  
子牟歡抃促行期  
移都已改侯王第  
惆悵沙堤別築基

又一絕請爲申達京洛親交知余病廢

髻惹新霜耳舊聾  
眼昏腰曲四肢風  
交親若要知形候

嵐嶂烟中折臂翁

韓內翰別集

十七

夢中作

紫宸初起列鴛鸞  
直向龍墀對揖班  
九曜再新環北極  
萬方依舊祝南山  
禮容肅睦纓綬外  
和氣熏蒸劍履間  
扇合却循黃道退  
廟堂談笑百司閑

巳巳年正月十二日自沙縣抵邵武軍將謀撫信  
之行到纔一夕爲聞相急脚相召邵請赴沙縣郊

外泊船偶成一篇

次三句

訪戴船廻郊外泊  
故鄉何處望天涯  
半明半暗山邨日  
自落自開江廟花  
數醖綠醅桑落酒  
一甌香沫火煎茶



建谿灘波心目驚眩余平生溯竒境今則畏怯不  
暇因書二十八字

長貪山水羨漁樵自笑揚鞭趁早朝今日建谿驚恐後  
李將軍画也須燒

自沙縣抵龍

一作尤

溪縣值泉州軍過後村落皆空因

有一絕

後舉年

水自潺湲日自斜盡無雞犬有鳴鴉千村萬落如寒食  
不見人烟空見花

此翁

此後在魏禁場

韓內翰別集

十八

高閣群公莫忌儂儂心不在宦名中嚴光一唾垂綬紫  
何胤三遺大帶紅金勁任從千口鑠玉寒曾試幾爐烘  
唯應鬼眼兼天眼窺見行藏信此翁

多情

天遣多情不自持多情兼與病相宜蜂偷野

一作唯

蜜初嘗

處鶯惜舍桃欲咽時酒蕩襟懷微叵我

一作驥

春牽情緒更

融怡水香剩貯金盆裏瓊樹長須浸一枝

失鶴

正憐標格出華亭況是昂藏入相經碧落順風初得志

故巢因雨却聞腥幾時翔集來華表每日沉吟看画屏  
爲報雞群虛嫉妬紅塵向上有青冥

卜隱

屏跡還應減是非却憂藍玉又光輝桑柘出舍蠶初老  
柳絮益溪魚正肥世亂豈容長愜意景清還覺易忘機  
世間華美無心問藜藿充腸苧作衣

晨興

曉景山河爽閑居巷陌清已能消滯念兼得散餘醒汲  
水人初起迴燈燕暫驚放懷殊未足圓隙已塵生

韓內翰別集

十九

暴雨

電尾燒黑雲雨脚飛銀線急點濺池心微烟昏水面氣  
涼氛裊消暑退松篁健叢蓼亞蘋茸擎荷翻綠扇風期  
誰與同逸趣余探遍欲去更遲留胸中久交戰

山院避暑

行樂江郊外追涼山寺中靜陰生晚綠寂慮延清風運  
塞地維窄氣蘇天宇空何人識幽抱目送冥冥鴻

閑興

景寂有玄味韻高無俗情他山水雪解此水波瀾生影



重驗花密滴，稀知酒清忙。人常擾擾安，得心和平。

漫作二首

暑雨灑和氣，香風吹日華。驟龍驚汗漫，翥鳳絳雲霞。玄圃珠爲樹，天池玉作砂。丹青能幾級，何必待乘槎。黍谷純陽入，鸞霄瑞彩生。岳靈分正氣，仙衛惜神兵。汚俗迎風變，虛懷遇物傾。千鈞將一羽，輕重在平衡。

騰騰

八年流落醉騰騰，點檢行藏喜不勝。烏帽素餐兼施藥，前生多恐是醫僧。

韓內翰別集

二十

寄隱者

烟郭雲扃路不遙，懷賢猶恨太迢迢。長松夜落釵千股，小港春添水半腰。已約病身拋印綬，不嫌門巷似漁樵。渭濱晦迹南陽臥，若比吾徒更寂寥。

閑居

厭聞趨競喜閑居，自種蕪菁亦自鋤。麋鹿跳梁憂觸撥，鷹鷂搏擊恐籠疎。拙謀却爲多循理，所短深慚盡信書。刀尺不虧繩墨在，莫疑張翰戀鱸魚。

僧影

山色依然僧已亡竹間疎磬隔殘陽  
智燈已滅餘空燼  
猶自光明照十方

洞庭翫月

洞庭湖上清秋月皎湖寬萬頃霜  
玉梳深沉潭底白  
金杯細碎浪頭光寒驚鳥鵲離巢噪  
冷射蛟螭換窟藏  
更憶瑤臺逢此夜水精官殿挹瓊漿

贈隱逸

靜景須教靜者尋清狂何必在山陰  
蜂穿窗紙塵侵硯  
鳥鬪庭花露滴琴方笑亂離方解印  
猶勝顛蹶未抽簪  
韓內翰別集  
三十一  
築金總得非名士况是無人解築金

南浦

月若半環雲若吐高樓簾捲當南浦  
應是石城艇子來  
兩槳咿啞過花塢正值連宵酒未醒  
不宜此際兼微雨  
直教筆底有文星亦應難狀分明苦

桃林場客舍之前有池半畝木槿櫛比  
闕水遮山  
因命僕夫運斤梳沐豁然清朗復視太虛  
因作五

言八韻

插槿作藩籬叢生覆小池爲能妨遠目  
因遣去閑枝隣



叟偷來賞樓禽欲下疑虛空無障處蒙閉有開時葦鷺  
憐瀟灑泥鰯畏日曦稍寬春水面盡見晚山眉岍穩人  
偷釣堦明日上基世間多弊事事要良醫

中秋寄楊學士

鱗差甲子漸衰遲依舊年年困亂離八月夜長鄉思切  
鬢邊添得幾莖絲

寄禪師

他心明與此心同妙用忘言理暗通氣運陰陽成世界  
水浮天地寄虛空劫灰聚散銖鎰黑日御奔馳鬪粟紅

韓內翰別集

二十二

萬物盡遭風鼓動唯應禪室靜無風

清興

陰沉天氣連翩醉摘索花枝料峭寒擁鼻遶廊吟看雨  
不知遺却竹皮冠

深院

鵝兒啞啞梔黃背鳳子輕盈膩粉腰深院下簾人晝寢  
紅薔薇架碧芭蕉

淒淒

深將寵辱齊往往亦淒淒白日知丹抱青雲有舊谿墮

醜凌魯濟惡潔助涇泥風雨今如晦堪憐報曉雞

火蛾

陽光不照臨積陰生此類非無惜死心奈有滅明意粧  
穿粉焰焦翅撲蘭膏沸爲爾一傷嗟自弃非天弃

信筆

春風狂似虎春浪白於鵝柳密藏烟易松長見日多石  
啞採芝叟鄉俗摘茶歌道在無伊鬱天將奈爾何

雷公

閑人倚柱笑雷公又向深山霹怪松必若有蘇天下意  
韓內翰別集

二十三

何如驚起武侯龍

船頭

兩岍綠蕪齊似剪掩映雲山相向晚船頭獨立望長空  
日灑波光逼人眼

喜涼

爐炭燒人百疾生鳳狂龍躁滅心情四山毒瘴乾坤濁  
一簞涼風世界清楚調忽驚淒玉柱漢官應已濕金莖  
豪強頓息蛙唇吻爽利重新鵲眼睛穩想海槎朝犯斗  
健思胡馬夜翻營東南亦是中華分蒸鬱相凌太平



